



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-505-3/16**
Datum: **29.09.2016. godine**

„Agencija za vodno područje rijeke Save“ Sarajevo rješavajući po zahtjevu pravnog lica „HIFA-OIL“ d.o.o. Tešanj za donošenje rješenja o vodnoj dozvoli za ispuštanje oborinskih onečišćenih voda i promet opasnih materija koje nakon upotrebe dospjevaju u vode sa lokacije objekta benzinskog terminala „HIFA-OIL“, izgrađenog u obuhvatu privredne zone „Unis“ u Vogošći, na osnovu člana 109. stav (1) tačka 2. i 13. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi

RJEŠENJE **o vodnoj dozvoli**

1. Pravnom licu „HIFA OIL“ d.o.o. Tešanj daje se vodna dozvola za ispuštanje oborinskih onečišćenih voda i promet opasnih materija koje nakon upotrebe dospjevaju u vode sa lokacije objekta benzinskog terminala „HIFA-OIL“, izgrađenog na zemljištu označenom kao k.č. broj 2751/55 K.O. Vogošća (novi premjer), što odgovara k.č. broj 1064/5 K.O. Gornja Vogošća (stari premjer), općina Vogošća.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda za čije izdavanje je nadležno Ministarstvo privrede Kantona Sarajevo, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. U roku važenja ove vodne dozvole izraditi projekat izvedenog stanja za prikupljanje, tretman i ispuštanje oborinskih onečišćenih voda sa predmetnog lokaliteta. Investiciono-tehnička dokumentacija treba biti urađena od strane pravnog lica koje ima ovlaštenje pribavljeno od strane Federalnog ministarstva poljoprivrede, vodoprivrede i šumarstva (lista „A“), shodno Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08).
 - 3.2. Skladištenje goriva - kerozina vršiti u podzemnim čeličnim dvoplašnim rezervoarima ukupne zapremine $V = 200 \text{ m}^3$ (2x100).
 - 3.3. Korisnik objekta je obavezan vršiti redovnu kontrolu međuplašnog prostora rezervoara za skladištenje goriva, njihovo čišćenje i kontrolu rada.
 - 3.4. Korisnik poslovnog objekta za sve vrijeme trajanja ove vodne dozvole treba obezbijediti da se zauljene oborinske vode sa lokacije predmetnog terminala nesmetano sakupljaju i odvođe do četverokomornog betonskog vodonepropusnog separatora, a zatim prečišćene priključuju na industrijski kolektor, čiji ispus je izveden u rijeku Vogošću.
 - 3.5. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristiti na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.6. Separator, kao i pripadajuće objekte za prikupljanje i odvodnju zauljenih otpadnih voda, održavati u ispravnom stanju, redovno vršiti njegovo pražnjenje i o tome voditi evidenciju.
 - 3.7. Izdvojena ulja iz separatora sakupljati u za to posebno pripremljene i na vidnom mjestu označene posude, a zbrinjavanje povjeriti pravnom licu ovlaštenom za ovu vrstu djelatnosti prema sklopljenom ugovoru.
 - 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta u skladu sa Uredbom o uslovima ispuštanja otpadnih voda u

okoliš i sisteme javne kanalizacije («Službene novine Federacije BiH», broj 101/15 i 1/16). Učestalost i način ispitivanja vršiti u skladu sa članom 11. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

- 3.9. Prečišćena otpadna voda mora ostati u maksimalno dopuštenim granicama definiranim Uredbom o uslovima ispuštanja otpadnih voda u okoliš i sisteme javne kanalizacije, prilog 1. tabela 1.1. kolona 3 tabele.
- 3.10. Osigurati priručna sredstva za brzu intervenciju u slučaju nekontrolisanog istjecanja naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.11. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Korisnik objekta je obavezan vršiti plaćanje vodne naknade u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12).
5. U periodu važenja ove vodne dozvole, korisnik predmetnog objekta je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa članom 20. stav (7) Zakona o vodama.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana izdavanja ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice „HIFA-OIL“ d.o.o. Tešanj, obratilo se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i promet opasnih materija koje nakon upotrebe dospijevaju u vode sa lokacije benzinskog terminala „HIFA-OIL“ izgrađenog na zemljištu označenom kao k.č. broj 2751/55 K.O. Vogošća (novi premjer), što odgovara k.č. broj 1064/5 K.O. Gornja Vogošća (stari premjer), općina Vogošća.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija Rješenja o izmjenama podataka u sudski registar Općinskog suda u Zenici, broj: 043-0-Reg-15-000095 od 20.01.2015. godine;
- Ovjerena kopija uvjerenja o poreskoj registraciji, izdatog od strane Federalnog ministarstva finansija, Porezna uprava - Karitonalni ured Zenica, dana 16.10.2002. godine;
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, izdatog od strane Uprave za indirektno-neizravno oporezivanje Banja Luka, broj:04/1-UPP/1-9397/07 dana 01.08.2007. godine;
- Kopija Rješenja o odobrenju za upotrebu donesenog od strane Službe za urbanizam i prostorno planiranje općine Vogošća, broj: 05-23-2667/16 od 16.08.2016. godine;

- Projekat izvedenog stanja – elektroinstalacije i mašinske instalacije, urađen od strane „Arhitektonski studio Zakomac“ d.o.o. Sarajevo, juli 2016. godine;
- Izvještaj o izvršenom tehničkom pregledu izvedenih radova;
- Završni Izvještaj nadzora;
- Zemljišnoknjižni izvadak izdat od strane Zemljišnoknjižnog ureda Općinskog suda u Sarajevu, broj: 065-NAR-16-053 399, ZK uložak broj: 4465, dana 13.07.2016;
- Kopija Kupoprodajnog ugovora sklopljenog sa Unis-Pretis d.o.o. Vogošća sklopljen 23.03.2011. godine putem Agencije za privatizaciju FBiH;
- Kopija zapisnika o preuzimanju (primopredaji) nekretnine od 06.04.2011. godine;
- Načelna saglasnost za priključak na vodovodnu i kanalizacionu mrežu data od strane BAGS-ENERGOTEHNIKA d.d. Vogošća, beoj: 519-86/16 dana 27.06.2016. godine;
- Dokaz o uplaćenju upravnoj pristojbi i administrativnoj taksi;

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15), izvršen je pregled lokacije benzinskog terminala „HIFA-OIL“ u Vogošći i tom prilikom sačinjen zapisnik o uviđaju broj: UP-I/25-3-40-505-2/16 dana 27.09.2016. godine.

Na osnovu izvršenog uviđaja na licu mjesta je utvrđeno:

Objekat predmetnog terminala izgrađen je u sklopu industrijskog kompleksa „Vogošća“, a u energetsom bloku ugrađeni su nadzemni i ukopani rezervoari sa pratećim sadržajima za pretakanje više vrsta goriva. Postojeće postrojenje ukopanih rezervoara, sačinjeno od pet dvoplašnih čeličnih rezervoara zapremine po 100 m³, sa pratećim sadržajima djelomično devastirano, preuzela je firma „HIFA-OIL“ d.o.o. Tešanj, za formiranje terminala sa pratećim sadržajima za uskladištenje i pretakanje dvije vrste tečnih goriva (kerozin i D-2), koje će se izvesti u dvije faze. U sklopu prve faze sanacije i dogradnje terminala predviđeno je da se izvrši sanacija dva rezervoara za skladištenje kerozina, ugradnja novog šahta na rezervoarima za ugradnju mjerne i signalne opreme, ugradnja mobilnog postrojenja za pretakanje tečnog goriva i ugradnja dva cjevovoda od mobilnog postrojenja za pretakanje goriva do skladišnih rezervoara.

Onečišćene oborinske vode koje nastaju na lokaciji predmetne benzinske pumpe prikupljaju se putem linijskih rešetki i slivnika i internom kanalizacionom mrežom odvođe do četverokomornog betonskog vodonepropusnog separatora, a zatim prečišćene vode internom kanalizacionom mrežom do priključka na kanalizacioni kolektor, čiji je ispušt izveden u rijeku Vogošću.

Skladištenje kerozina se vrši u podzemnim dvoplašnim čeličnim rezervoarima ukupne zapremine $V=2 \times 100$ m³. Predviđena je ugradnja dva uređaja za pretakanje za dvije vrste goriva, s tim što se u prvoj fazi ugrađuje jedan uređaj, a drugi se blindira na mjestu gdje je predviđena ugradnja ventila. Uređaji za pretakanje su izvedeni tako da je isključena mogućnost prosipanja ili propuštanja zapaljivih tečnosti prilikom pretakanja, a eventualno prosute zapaljive tečnosti prikupljaju se putem linijske slivne rešetke i odvođe do separatora zauljenih voda, lociranog neposredno uz pretakalište.

Razmatrajući podneseni zahtjev, a na osnovu dostavljene projektne i druge dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u dispozitivu ovog Rješenja, propisani uslovi u skladu sa odredbama Zakona o vodama, Pravilnika o sadržaju, obliku, uvjetima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva ispunio minimum uslova za izdavanje VD za ispuštanje oborinskih onečišćenih voda i promet opasnih materija koje nakon upotrebe dospijevaju u vode, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

**Po ovlaštenju
Rukovodilac sektora za izdavanje vodnih akata**


Senada Mulaomerović, dipl.ing.građ.

PRILOG: Projekat izvedenog stanja, knjiga 2, urađen od strane „Arhitektonski studio Zakomac“ d.o.o. Sarajevo

Dostaviti:

- „HIFA-OIL“ d.o.o. Tešanj, Krndija bb, 74260 Tešanj (sa prilogom)
- Federalna uprava za inspekcijske poslove, vodna inspekcija
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava